

《中國地方藝文薈萃》編委會 編

中國地方藝文薈萃

學苑出版社

華東卷、第五輯 柒

華東卷·第五輯

柒

中國地方藝文薈萃

《中國地方藝文薈萃》編委會

編

貴州師範學院內部使用



梁溪詩鈔五十八卷（七）

貴州师范学院内部使用

梁溪詩鈔五十八卷（七）

（清）顧光旭輯

據清嘉慶元年（一七九六）雙橋草堂刻本影印

梁溪詩鈔目錄卷之三十四

國朝 乾隆一

宮保秦文恭公蕙田十一首

顧比部維鈞 五首

賈靈壽霖 七首

楊鴻博度汪 五首

王芷江雲萬 一首

鄒刺史永綏 四首

楊刺史朝觀 三十五首

鄒平葵越 二首

秦客部雄褒 一首

吳大令培源 二十首

蘇司訓宗脊 一首

宣秀才王政 一首

湯秀才張懷 一首

華秀才萬育 二首

馬州佐宏文 一首

丁梅濱清度 六首

華散人炳泰 二首

陳壽樛大鈞 二首

嚴宋山元桂 十二首

馬秀才岐 二首

華秋田沅 五首

以上共二十一人



梁溪詩鈔卷三十四

梁溪顧光旭華陽氏集

國朝

宮保秦文恭公蕙田

字樹峯號味經宮諭留仙先生之孫乾隆  
元年丙辰科進士第三人累官太子太保  
刑部尚書謚文恭公少師事吳卜臣先生  
長交蔡宸錫吳大年輩遂以經術篤行卓  
然自見于世立朝垂三十年領西曹最  
久執法稱平初公本生父給諫南沙先生

繫獄時公僅弱冠往來定省羈所黽勉奉  
菽水十餘年賦詩曰棲息知無地晨昏覩  
有身讀者皆感歎及公通籍伏闕陳情

乞以身贖或力阻之公曰誠不忍昧心竊  
祿外干罪戾內慚名教竟蒙恩宥公

亦以是上邀主知公遇事沉摯果斷

退則閉戶著書所撰五禮通考凡二百六  
十二卷先經後史以類發明殫思三十餘  
年藁易三四而始定又撰周易象義日箋  
十七卷味經窩詩文類藁二十八卷公性

嚴峻而人有小善輒獎借不去口郎官入  
薦剡則終不言也光旭於公爲鄉里後進  
辱公折節下交推許之過愧負知已何日  
忘諸

敬題高叔祖僉憲公遺命卷有序

高叔祖僉憲公者淮海先生二十二世孫 旌  
孝子養恬府君六世孫也以順治四年令富川  
時粵氛未靖從大兵行三年乃達居任二年陷  
於寇自知必死作絕筆遺後人後四日從容就  
義 天子憫之卹贈有加焉嗚呼臣子之分

當如是矣不負君不忝祖光家乘而勵名節  
吾族人其知所興也夫公之曾孫雄飛以進士  
官戶曹同寓京師宣武門外出遺墨俾識其後  
敬爲贊曰

取義成仁前哲所守若子若臣厥性則有人生也

直如響在缶胡皓而良爲世大垢吾祖龍圖元祐

籍首

元祐碑自宰臣外  
祖名列在第一

孤忠耿耿猶膾炙口俎豆

梁溪式啟我後卓哉孝子至行無負療親和劑胷

血可剖

養恬公侍親疾醫云得胷血  
可療遂斫血以進疾乃瘳

篤興我公繼

志非偶曰丁時艱作令以走粵孽未息顛躓賊藪

有如皎日忍負予 后致命遂志從容揮手淚痕  
斑斑遺墨左右宗望攸歸 國郵優受煌煌青史  
比金石壽豐碑崇隆示民孔牖貽謀翼翼宜天之  
厚小子肅觀長跼惟久庶幾子姓頑懦知醜盥手  
抽詞歲在丁丑

題張葍齋少宗伯觀穫讀書圖

淳風浹朝野藹然觀唐虞緬維文端公相業韓范  
徒風雲構神契篇什達宸居 至尊親灑翰奕

世留璫璵

杭稻年年觀穫樂子孫世世讀書聲文  
端句也 聖祖親書聯幅以賜公圖卽

用此

吾師粹家學植德侔醇儒和鳴振高岡奉璋

曳華裾寅清播文教九載臨東吳孝秀奮阡陌絃  
歌徧鄉閭君親兩酬答深心託茲圖峩峩龍眠峯  
渺渺雙溪廬山氣合晨夕水容湛清虛隴歌起中  
宵書聲與之俱物我愜所願此樂誰能如以茲悟  
公意豈伊戀菰蒲人生有定分農業及經畝四體  
誠各勤外物焉得渝當今明良會富教均涵濡昇  
平繪真景六合應無殊

題馬文毅公彙草辨疑後

公遼東人

卓哉扶風公維嶽鍾遼陽壯歲入臺閣峻望儼珪  
璋建節赴粵西撫綏靖蠻荒流亡甫安集禍變起

倉皇維時逆燄熾滇閩逼鄰疆叛臣竊兵柄

孫延齡

肘腋俄披猖公憤不欲生唾罵裂背睚拘幽拜北  
闕血淚濡封章狡孽恣脅誘慘毒罹百殃坐臥一  
小樓擊笏題其牆厲鬼終殺賊誓作睢陽張蓬垢  
秉雙管草法求微茫剖晰止一間出入嚴隄防寓  
意自深遠詎止傳縑緗一字一斧鉞星月森寒芒  
羈困歷四載飲刃氣激昂捐軀盡百口白日爲飛  
霜妖氛倏隕滅褒崇自朝堂穹碑立墓隧 宸翰  
流輝煌丹心照霄壤忠魂慰烝嘗

時撫蠻將軍傅宏烈亦殉節桂

陽粵人爲立雙忠祠

至今緬風烈生氣猶飛揚曾孫抱遺墨

涕泗交相將碧血猶淋漓鬱爲翰墨香金石有銷  
爍精誠日騰光撫編肅起敬令我神明強臣節人  
所同公獨維其坊長吟視寥廓高天正蒼蒼

和顧復初先生見贈原韻

六籍聖所貽紹述賴百氏紀綱天地人精言瞭如  
指性功達治術出處均一軌胡爲後世士觸目驚  
且哆如構九層臺版築傾基址又如舟失舵簸蕩  
風波裏禮器及車服誰復求形似吾邑有顧翁服  
古氣雄偉窮年抱遺經含咀吸真髓脫身塵埃外  
清曠莫與比擁書萬卷樓

先生讀  
書處

尋原必迄委初